



SAKSPAPIR

Saksnr	Utval	Type	Dato
04/2021	Bygdeutviklingsutvalet	PS	23.02.2021

Sakshandsamar	Arkiv	ArkivsakID
Tore Henrik Øye	FE-223	20/1622

LØYVING AV BYGDEUTVIKLINGSMIDLAR TIL STAMNES IDRETTSLAG FOR INNKJØP AV KAJAKKAR OG DELTAKING PÅ PADLEKURS

Vedlegg:

Søknad om midlar til innkjøp av kajakkar og kompetanseheving

Rådmannen sitt framlegg til vedtak:

Bygdeutviklingsutvalet i Vaksdal kommune løyver kr 15 000,- i bygdeutviklingsmidlar til Stamnes Idrettslag for innkjøp av kajakkar og deltaking på padlekurs.

Vedtaket er gjort med bakgrunn i «Retningsliner for tilskot til bygdeutvikling». Tilskotet skal takast frå utvalet sine tilgjengelege midlar for 2021.

Godkjend kostnad er sett til kr 66 339,-, jf. budsjett. Løyinga vert ikkje knytt til ein fast prosentsats av faktisk kostnad, og kostnaden kan avvike frå godkjend kostnad.

Tilskotet vert betalt ut på bakgrunn av sluttrapport med dokumentasjon av faktisk kostnad. Rapporten skal sendast til kommunen innan tre veker etter at tiltaket er gjennomført. Delutbetaling kan finne stad på førespurnad.

Løyvinga gjeld for 2 år frå og med vedtaksdato.

Bygdeutviklingsutvalet - Sak 04/2021

BYG - Behandling:

Leiar for utvalet Edvin Hesjedal informerte utvalet om e-post frå søkjar om at idrettslaget også hadde fått midlar frå idrettsrådet på kr 35 000.

Rådmannen sitt framlegg til vedtak vart samrøystes vedteke.

BYG - Tilråding/Vedtak:

Bygdeutviklingsutvalet i Vaksdal kommune løyver kr 15 000,- i bygdeutviklingsmidlar til Stamnes Idrettslag for innkjøp av kajakkar og deltaking på padlekurs.

Vedtaket er gjort med bakgrunn i «Retningsliner for tilskot til bygdeutvikling». Tilskotet skal takast frå utvalet sine tilgjengelege midlar for 2021.

Godkjend kostnad er sett til kr 66 339,-, jf. budsjett. Løyinga vert ikkje knytt til ein fast prosentsats av faktisk kostnad, og kostnaden kan avvike frå godkjend kostnad.

Tilskotet vert betalt ut på bakgrunn av sluttrapport med dokumentasjon av faktisk kostnad. Rapporten skal sendast til kommunen innan tre veker etter at tiltaket er gjennomført. Delutbetaling kan finne stad på førespurnad.

Løyinga gjeld for 2 år frå og med vedtaksdato.

Saksopplysningar:

Samandrag/konklusjon (kort om saka)

Stamnes idrettslag søker om kr 15 000,- i bygdeutviklingsmidlar til innkjøp av kajakkar og deltaking på padlekurs som aktivitets- og trivnadsfremjande tilbod i stamnesbygda.

Rådmannen har vurdert søknad i høve til «Retningsliner for tildeling av midlar frå Bygdeutviklingsutvalet», og gjer framlegg om å løyve kr 15 000,- til tiltaka.

Bakgrunn for saka

Bygdeutviklingsutvalet i Vaksdal kommune forvaltar ei tilskotsordning for å fremje bygdeutvikling i kommunen, med inntil kr. 500 000,- til fordeling for 2021.

I søknad av 09.11.20 søker Stamnes Idrettslag, v/ Renathe Vik, om kr 15 000,- i tilskotsmidlar til innkjøp av 4 kajakkar med tilhøyrande utstyr og deltaking på grunnkurs i padling for dugnadsgjengen i «padleklubben» og lokal ungdom under 20 år (til saman 7 kursdeltakarar). Søknaden kom inn i 2020, men vart ikkje handsama grunna reglar om søknadsfrist. Den vart difor overført til 2021.

Søklar opplyser at føremålet med planlagd tiltak er å skape aktivitet og samhald i stamnesbygda, og tilskot frå Bygdeutviklingsutvalet vil vere med å leggje til rette for dette. Kajakane skal liggje ved kommunekeien på Stamnes, der born og ungdom kan låne dei gratis, og i tillegg få finansiert deltaking på padlekurs. Andre innbyggjarar og turistar kan gjere avtale om leige. Reglar og utleige-kontraktar skal utarbeidast. Det går òg fram av søknaden at det er planar om opplæringsdag og fellesturar.

Samla kostnad er oppgjeve til kr. 66 339, og søknaden om tilskot utgjer soleis kring 22 % av

følgjande kostnadsoppsett:

Kajakkar (4 stk), årer, vestar og sprutetrekk	kr. 35 800,-
Grunnkurs for ungdom (kr 3250,- x 4)	kr 13 000
Grunnkurs/kompetanseheving, «padleklubben» (kr 3250,- x 3)	kr 9 750,-
Stativ og kasse for lagring	kr 7 789,-
SUM	kr 66 339,-

Kajakkane er kjøpt inn, medan deltaking på padlekurs skal finne stad i løpet av 2021.

Formelt grunnlag

«Retningslinjer for tildeling av midlar frå Bygdeutviklingsutvalet», vedtekne på møtet av 26.05.20:

Løyving av tilskot til søknadar med søknadssum under kr 15 000,- kan skje i kvart møte.

- Løyving av tilskot til søknadar over kr 15 000,- skjer to gongar i året.
- Tildelingar i tidleg fase vil kunne vere med å leggje retning for kven som seinare skal kunne søkje midlar frå Bygdeutviklingsutvalet. Utvalet må difor vurdere om innkomne søknadar er i tråd med vilkåra for tilskotsordninga.

Vurdering og konsekvensar

I følgje retningslinene for bygdeutviklingsmidlane kan det søkjast om tilskot til prosjekt eller aktivitetar med ålmenn nytteverdi. Målet med tilskotsordninga er å skape trivnad og stimulere til aktivitet som er tilgjengeleg for «alle». I dette høve kan det mellom anna gjevast tilskot til innkjøp av materiell/utstyr, kompetanseheving og gjennomføring av prosjekt.

Føremålet med søknaden frå Stamnes Idrettslag er i samsvar med retningslinene for tildeling av bygdeutviklingsmidlar, både når det gjeld innkjøp av kajakkar og deltaking på padlekurs. I dette høve ser Rådmannen på idrettslaget sine aktivitets- og trivnadsfremjande tilbod, spesielt for born og ungdom, som svært verdfulle, kombinert med den opplæringa det vert lagt til rette for.

Kostnadsoppsettet i søknaden innfri retningslinene sine krav til budsjettering, med synleggjering av eigeninnsatsen (dugnad med meir).

Retningslinene seier at det, om mogeleg, skal leggjast vekt på geografisk spreining ved fordeling av midlar, og at bygder som ikkje har fått tildeling før, skal prioriterast. Bygda Stamnes har ikkje motteke midlar før, og søknaden frå idrettslaget er den første til handsaming i 2021.

Konklusjon

Søknaden frå Stamnes Idrettslag er i samsvar med retningslinene og kriteria for tildeling av midlar frå Bygdeutviklingsutvalet.

Rådmannen går inn for at det vert løyvd kr. 15 000,- i bygdeutviklingsmidlar til idrettslaget for innkjøp av 4 kajakkar med tilhøyrande utstyr, og til deltaking på padlekurs.